

نسخه سی ۵ غروشد

اداره خانه سی : آفسرایده
ملا کورانی محله سنده مهتر
سوقاغنده ۳ نومرولوخانه

مرکز توزیعی :
باب عالی جاده سنده (اتحاد
تجارت) کتبخانه سی

آبونه بدلی :
سنه لکی ۶۰ غروش
آلتی آلتی ۳۰ »

محفل

۱۳۳۸

علمی ، ادبی ، اجتماعی و شمیم بک
شهری مجموعه در

۱۳۴۱ ربیع الاخرینه مخصوص نسخه

صاحبی ، مدیری ، محرری :



اسلامك نفعنه خادم مقالات
مع التشر قبول ونشر اولونور
يازانك شخصيتي دكل، يازينك اهميتي
نظر دقتنه آلتينور .
كلن يازيلردن شايان قبول كورولنلر
تامش ميراسيله درج ايديلر .

عدد : ۳۰

جلد : ۳

مضمرجات :

محفل دینی و علمی : تترك حكمت شرعيه سی — اسكییلی عاطف افندی . علم هیئت و انسانلر — محمد عزت بك

محفل ادبی : آناطولی آفاق اسلامده كونشدر — بسیم بك

محفل تاریخی : احديه حرکاتی — مسعود بك مستجابی زاده عصمت بك — سعود المولوی بك

هر صه نبريك

بويوك ملت مجلتهجه انتخاب ايديش اولان خليفه جديد عبدالمجيد حضرتلرينه محفل جموعهسي ده تبريكات و تعظيمات خالصانهسي عرض و تقديم ايلر و زمان خلافتناهيلىريك امت محمد حقنده دوره رفاه و ترقى اولماسنى بارگاه مطلقدن استعدا ايدر .

محفل دينى و علمى :

تسرك حكمت شرعيهسي

۱

شريعت مطهره احمديه نك احكامى ، بين الناس وقوعى محتمل اولان شرور ، مفسد و مضارى ممكن اولدينى قدر دفع و ازاله ايتك اوزره بنا قيلنمشدر . ارككلر ايله قادينلرك اختلاطى و يك ديكرلرينه نظرلرى عشق و محبتى تهيج و تحريك ايليوب اكثر يا افعال غير مشروعه طلبنه وسيله و سبب اولدينى ايجون حكمت شرعيه بوبابك سند و بندينى اقتضا ايتشدر . آنك ايجون دين جليل اسلام فحشى منع ايلديكى كبي مقدمات و وسائل فحشى ده منع ايتمش و اولكي مقاله لرده بيان اولندينى اوزره ايكي نوع تستر فرض قيلنمشدر .

ارتكاب فحش جزاسى اولق اوزره شرع شريف طرفندن حدود ، تعزيرات وضع اولندينى كبي ، وسائل فحش طرفنى قيامق اوزره ده تستر وضع اولنمشدر كه احكام مذكوره تماماً تطبيق ايدملك شرطيله افراد مسلمين ازه سندن فحشك ممكن مرتبه رفع و ازالهسي تاامين ايدمش اولور . (افراد بشريه آره سندن ازاله فحش ، حدود ، تعزيرات و تستر ايله دكلدر ، انجق علم ، تربيه و تصفيه اخلاق ايله اوله بيلير) ديه وقوعبولان اعتراضه جواب اولق اوزره ديرزكه وسائل فحش اولان شيلرى متممات مدنيت نامى ويره رك ترويج ايلين مدنيت حاضر نك تلقين ايلمش اولدينى اخلاق و تربيه عموميه حاضره اساساً افراد بشريه ازه سندن فحشك رفع و ازالهسي دكل ، نشر و تعميني اقتضا ايدر و ايدىيور . ذاتاً قلوب بشره مخافة الله القا ايدمىان هر نوع علم و تربيه افراد بشريه شرور و مفسددن منع ايدمىك اخلاق فاضله وجوده كمييره من . مخافة الله

القا ايلين تربيه اسلاميه ، اخلاق دينيه بين البشر ازاله فحش و دفع مفسدت ايجون يكانه عامل اوله بيلير سهده فطرت بشريه ده مركزوز اولان قوه غضبيه ايله قوه شهويه ي هر فردده حداعتداله كتيروب دائماً او وضعيته بولنديرمه نك امكان وقوعيسى اوله ميه جندن مرفردك اخلاقى تصفيه ممكن دكلدر كه يالكز بو واسطه ايله عموم افراد بشريه اره سندن فحش و مفسدت ازاله ايديله بيلسون . اوت تصفيه اخلاق ده ازاله فحش ايجون برطريقدر . فقط او فضيلت ايله متصف اولانلره منحصر قالير . وقوعات تاريخيه بزه كوسترييور كه هر عصرده افراد بشريه نك بك آزي تصفيه اخلاقه انصاف ايدوب اكثريسى بو فضيلتدن محروم قالمشدر . آنك ايجون اعصار و ازمانك فته و فساددن خالى اولدينى كورلمش دكلدر . ايشته تصفيه اخلاق طريقيله كسب صلاح ايتيان بو اكثرثيت بشريه ي وسائل ماديه ايله طريق صلاحه سوق و اجبار ايتك اوزره شرايع انبيا حدود و تعزيرات و ارباب عقول قوانين جزا وضع ايتشدر .

تسترد و وسائل ماديه ايله ازاله فحش اسبابندن برسيدر . ديمك اوليور كه دين جليل اسلامده ازاله فحش و رفع مفسدت ايجون هم وسائل معنويه و هم وسائل ماديه نظر اعتباره آلمشدر كه هرايكيسنك تكاملى ايله مقصد تماماً تاامين ايدمش اولور .

اسكلى محمد عاطف

علم هيت و انساندر

علوم و قنون كل يوم مظهر ترقيات اولوب عالم مجهوليت رفته رفته جبر حدود ايلكمده و بر مغناي حقيقت استحصاليله هر شى ده مقصود و مستور اولان سرفطرتنه تقرب اولنمقدهدر . صحنه عالمده برتنوع جديد ارائه سندن خالى